



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 27. Felix a Sfortiæ Oratore vanis promissis delusus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A. C. 1442.

vasit, postquam Venetorum partibus accesserat. Incurrebat insuper Eugenii indignationem ob usurpata quædam Romanæ Ecclesiæ bona, quæ Pontifici, licet summis urgeretur precibus, prius restituere recusaverat, postea tamen reddere compulsus est. Hæc itaque iniquo ferens animo Sfortia, dimisso Eugenio ad Felicis partes transire constituit. Huncque in finem Thomam de Rieti primo Lausanam, dein Basileam ablegavit, qui cum Felice ageret.

§. XXVII.

Felix a Sfortiæ Oratore vanis promissis delusus.

Orator, ubi Basileensium conventum accesserat, in Eugenium innumeras protulit calumnias, Basileenses vero Ducis sui nomine quatuor pollicitationibus lactavit. I. Venetos, Florentinos, & Genuenses in Felicis obsequium iuratos. II. Sfortiam evoluta Mense Junio bello petiturum, quemcunque Felix imperaret, aut compescendum judicaret, dummodo privilegia, vi quorum magnus Ecclesiæ Romanæ Vexillifer esset, ab Eugenio sibi antehac concessa confirmarentur. III. Eundem intra duos menses Romanam urbem, atque Ecclesiæ Provincias occupaturum, Felici demum asserendas.

rendas. IV. Denique, Eugenium captivum a Sfortia Felicis manibus tradendum. Pro se vero vicissim a Basileensibus postulavit, ut tredecim aureorum millia singulis mensibus sibi numerarent ad alendos mille pedites, & quatuor equitum millia, præterea ut in pacifica possessione Tuderti, Assissii, & Tuscanellæ cum tribus aliis civitatibus relinqueretur. Horum quoque promissorum Genuenses Mercatores idoneos fore sponsores jactitabat. Felix æque, ac Basileenses speciosis promissis excæcati, tanta fiducia triumphabant, ut proxime imminentis Norimbergensis Conventus exitum, quiscunque demum esset, parum curare viderentur: verum optimas hæc spes sinister eventus fefellit.

Sæcul. XV.
A. C. 1442.

§. XXVIII.

Neapolis ab Alphonso occupata.

Tandem Alphonfus Regni Neapolitani possessionem adeptus est, Romanis Pontificibus, qui sese supremos hujus Regni Dominos dicebant, nequicquam renitentibus. Frustra itidem reclamabant Andegaviæ Duces, qui tamen licet legitimi essent hæredes, tum præ virium defectu, tum ob Procerum perfidiam ac denique propter innatam mobilis, ac inconstantissimi populi levitatem a cæptis desiste-

Æneas Sylv.
cap. 65.
Mariana
lib. 22. c. 17.